

全上古三代秦漢三國六朝文

全梁文卷三十九

烏程嚴可均校輯

江淹七

雪山讚四首 并序

壁上有雜畫皆作山水好歟仙者五六雲氣生焉悵然會意題爲  
小讚云

王太子喬

子喬好輕舉不待煉銀丹控鶴去窈窕學鳳對嶺岷山無一春草  
谷有千年蘭雲衣不躑躅龍駕何時還

陰長生

陰君惜靈骨珪璧詎爲寶日夜名山側果得金丹道憂傷水不至  
光顏如碧草若度西海時致意三青鳥

白雲

紫烟世不覩，赤鱗庖所捐。白雲亦海外，蒼藍起三山。蕭瑟玉池上，容裔帝臺前。欲知清都裏，乘此乃登天。

### 秦女

青琴既曠世，綠珠亦絕羣。猶不及秦女，十五乘綵雲。璧質人不見，瓊光俗詎聞。願使洛靈往，蘇文類聚爲我道奇芬。並本集蘇文類聚七十八

### 銅劍讚

并序

永明初始造，舊官鑿東北之地，皆平岡迤隴，尤多古冢墓。有人得銅劍，長尺五寸，余既借看，歎其古異。客有謂余曰：古時乃以銅爲兵乎？其可得而聞不？余笑而應曰：此證據甚多，殆不俟言。卿既欲知，輒具言之。余案山海經曰：昆吾之山，其上多赤銅。郭璞注曰：此山出金如火，以之切玉如割泥也。周穆王時，西戎獻之，尸子所謂昆吾之劍也。越絕書曰：赤瑾之山破而出錫，若邪之谿涸而出銅。歐冶鑄以爲純鉤之劍，又汲冢中得一銅劍，長三尺五，及今所記。

干將者亦皆非鐵明古者以銅錫爲兵器也周書稱穆王時征犬  
戎得昆吾之劍火浣布長尺有咫又有鍊銅赤刀割玉如泥焉又  
左傳僖公十八年鄭伯始朝於楚楚賜之金既而悔之盟曰無以  
鑄兵故以鑄三鐘杜預注云楚金利故也古者以銅爲兵故禹貢  
云荆揚貢金三品余以爲古者語質而難解今者語文而易了獨  
詩云元龜象齒其實象牙也書云厥包橘柚乃黃柑也金品上則  
黃中則赤下則黑黑金是鐵赤金是銅黃金是金黃金可爲寶赤  
金可爲兵黑金可爲器韓子稱昔智伯繇之伐趙襄子初晉陽襄  
子金將盡問於張孟談孟談對曰吾聞董安于治晉陽也公室悉  
以銅爲柱質君可發而用之於是發之有餘金矣謂此據蓋可知  
焉又昔夏后氏使九牧貢金鑄九鼎於荆山之下于昆吾氏之墟  
白若甘攬之地圖其山川奇怪以形于鼎使民知神竅不逢其害  
以定其祥鼎成三足而方不炊而自沸不昇而自臧不遷而自行

九鼎既成定之國都桀有昏德鼎遷於商殷紂暴虐鼎遷於周  
每  
人主休明鼎雖小而重其姦回昏亂雖大而輕及周顯王三十二  
年姬德大衰乃淪入泗水秦始皇之初見於彭城二十七年始皇  
東遊大發徒出之而不能得焉後漢武帝賓禮百神于汾陰得大  
鼎時人以爲九鼎其詳不可得而審也且荆軻刺秦王之日匕首  
擊銅柱銅柱火出則古者非直以銅爲匕首亦以爲殿柱也且始  
皇之世長狄十二見於臨洮身長三丈足跡六尺於是始皇斂天  
下之兵鑄而象之故西京賦云高門有闕列坐金狄是也又造阿  
房之宮其門悉用磁石磁石喻鐵以防外兵之入焉以此推之明  
知春秋迄於戰國戰國至於秦時攻爭紛亂兵革互興銅既不充  
給故以鐵足之鑄銅既難求鐵甚易是故銅兵轉少鐵兵轉多年  
甚一年歲甚一歲漸染流遷遂成風俗所以鐵工比肩而銅工稍  
絕二漢之世逾見其微及漢建安二十四年魏文帝爲太子時鑄

三寶刀二匕首天下百鍊之精利而悉是鑄鐵不能復鑄銅矣按張華博物志亦稱鑄銅之工不復可得唯蜀地羌中時有解者由此言之斯妙久絕余調不復能鑄銅者正當不能使利如霜雪光如雲霞陸斬犀兕水斷蛟龍豈復不能鑄銅鑪碗燈耶然今太極殿前兩大銅鏡卽周景王鑄也製作精巧獨絕晚世今之作必不及古猶今鏡不及古鏡今鐘不及古鐘矣昔余爲吳興令鑿池又獲銅箭鏃數十枚時有人復於彼山中伐木得銅斧一口古銅鑄爲兵豈爲一據故備言其詳以發子之蒙矣古貴銅賤鐵非獨此事按皇覽帝王冢墓記稱吳王閭閻冢銅槨三重永池六尺玉鳥之流扁諸之劍三盤郢魚腸之劍在焉秦始皇冢亦以銅槨水銀爲江河關東賊發之至銅槨而取銅深大不可多得因此穴墓漢思王冢時奢侈皆生瘳取愛幸奴婢蓄穀爲銅窗以通狗瘳者氣息兼以水火守冢給呼召數十年乃不復聞聲矣晚世之瘳無復

此例然猶自大奢大富大威或傾一國之財或竭一家之寶或爭  
為宏麗或競相高尚前漢奢於後漢魏時富於晉世中原既夷至  
於江左時天下凋喪制度日衰富貴之家猶或厚葬然論古論曩  
亦減損千萬倍矣世愈貧狹哀禮愈薄又往古之事棺皆不用釘  
悉用細腰其細腰之法長七寸廣三寸厚二寸五分狀如木秤兩  
頭大而中央小仍鑿棺際而安之因普漆其外一棺凡用細腰五  
十四枚大略如此亦可謂至巧矣其法既絕亦有銅釘銅釘之體  
皆如今柩釘形也銅釘既滑多被發掘自義熙以來乃以柩代銅  
爰及明器之屬亦多減省必不得已乃用烏牙焉相與皆用素棺  
不得施漆及自棺之外一無所設既由貧富之懸兼以避患之及  
耳故為此讚以明古今銅鐵之兵刃葬送之事焉乃成讚曰  
悠悠開闢或聖或賢蚩尤鑄銅為兵幾年天生五才實此為先既  
古既曩誰測誰傳紛綸百代事無不異况迺金鐵國之利器風胡

專精歐冶妙思於昔則出於今則祇聞之釋經萬物澹薄在古必厚在今必惡徒侈徒異徒鍾徒削聊舉一槩以明鴻略

木集

### 袁友人傳

友人袁炳字叔明陳郡陽夏人其人天下之士幼有異才學無不覽文章傲儻清澹出一時任心觀書不爲章句之學其篤行則信義惠和意馨如也常念蔭松柏詠詩書志氣跌蕩不與俗人交俛眉暫仕歷國常侍員外郎府功曹臨湘令粟之入者悉散以贍親其爲節也如此數百年未有此人焉至迺好妙賞文獨絕於世也又撰晉史奇功未遂不幸卒官春秋二十有八與余有青雲之交非直銜盃酒而已嗟乎斯才也斯命也天之報施善人何如哉何

如哉

木集

無爲論

并序

吾曾迴向正覺歸依福田友人勸吾仕吾志不改故著無爲論焉



有奕葉公子者聯輝七代冠冕組望多素紉繡衣繡裳負長劍而  
耿耿佩鳴玉而鏘鏘時遊稷下或客於梁聞英雄而豹變聽利害  
以龍驤乃動朱履而馳寶馬振玉勒而曜金羈之無爲先生之門  
問曰先生智德光融嵩華無得以方其峻道義清遠溟海不足以  
喻其深無學不窺無事不達容儀閒靜言笑溫雅至如釋迦三藏  
之典李君道德之書宣尼六藝之文百氏兼該之術靡不詳其津  
要而采摭沖玄煥乎若觀於鏡中炳乎若明於掌內余聞天地之  
大德曰生何以聚人曰財是故老聃以爲柱史莊周以爲園吏東  
方持戟而不倦尼父執鞭而不恥實萬古之師範一時之高士先  
生嘉遁卷迹養德不仕乃列子之所待非通天下之至理雖江海  
以爲榮實縉紳之所鄙先生倏爾笑而應之曰富之與貴誰不欲  
哉乃運而不通也夫忠孝者國家之急務也申生伍員不得志也  
懷道抱德立風之所尚揚雄東方其職未高也其大學者不過儒

墨亦栖栖遑遑多有不遂也子所引之士者情雖欲之志不行也  
憂喜不移其情故可爲道者也過此已往焉足言哉吾聞大人降  
迹廣樹慈悲破生死之樊籠登涅槃之彼岸闡三乘以誘物去一  
相以歸真有智者不見其去來有心者莫知其終始使得湛然常  
住永絕殊塗無變無遷長祛百慮恬然養神以安志爲業欲使自  
天祐之吉無不利舒卷隨取進退自然適逸無悶幽居永貞亦何  
榮乎亦何鄙乎子其得之吾何失之塵內方外於是乎著公子而  
然而有慚德遂巡而退

本集廣宏明  
集二十九下

齊太祖高皇帝誄

日月鬱華風雲黯色傷動紫微悲而璇極嗚呼哀哉粵夏四月辛  
卯將遷座於泰安陵龍鑿既整羽衛以陳深酸舊物掩咽故臣嗣  
皇帝永訣丹掖叫號青堦攀神光之一絕慟遠邇之何期弓劍有  
基纂德寫辭僉曰若稽古聖璿圖靈鏡星樞發祚電光啟命誕惟

弱齡惠志聰情如金如璧爰秀爰英於鑠冠歲騰華流藝允文允  
武克明克睿聿尚登學巖道尊師宣敷五禮優游六詩上炫舊滯  
芻鏡前疑才罄豔采筆盡麗辭在友斯悌于親伊孝險泰共色夷  
阻一貌遊情思矩縱心蹈教鄉術式慕州閭是效業優登仕先哲  
攸懋矧乃寥廓淵規遠構官府天地舟輿宇宙龍靜鳳戢斂奇掩  
秀昔在帝烈王室放命狡焉僞誕晦朔陵正鋒車北軼燿火南威  
太祖時乘爰茲發迹塞井滅勳夷竈翕敵賞鏤王圖功稊帝册乃  
厲中葉天未斂難兵百袁曹禍十楚漢吳地前崩越壤首亂街號  
燿威火列金斷聚甲如陵獻俘爲觀北楚倔強曾未屈膝雲屯被  
野魚麗互日廟勇旣消國圖方匱神册天開雄略世出凶劍鱗沈  
醜戈羽逸隻騎不返騎輪無匹厥庸戾止雜珮委他榮鬱閭闔寵  
重山河皇彝有文朝采方諷頻煩金紉左右緹蓋昆戎肅禁參贊  
侍旒譽馥區中道爰岷外河濟國險淮泗邦塵要藩重設匪賢則

親亦既推轂擁土庇民聲稜絕俗威瞻殊絕宋主陵遐紫殿過密  
話言之詔貽在英絲寅亮大寶敷綸妙秘世識機鑿物宗淵懿無  
復匪練靡與不洎三階既馴五精惟至彭蠡九江地盡襟製亦有  
劉範衣纓是絕躍馬山岫泛舟河澨縞錦星流紅旗電結鳩翼競  
扇豺牙爭礪禍纏紫禁兵交丹衛瑤祀若於金辰如綴朝野傾儀  
咸歸上德寶賴至公瀉家提國懷險實泰襄危必克機筵朝旦功  
定曛黑妙物更配具章重則深居攝外遙棲絲黻高秩方臻元禮  
有序王日念哉輝寵是與職寢宮閤任卷文武飾華麗貂榮金疊  
組宏猷溢俗會芬冠古憬彼朱方亦惟宗秩陰圖食鼎潛謀貫日  
征輸未誓偏旗御律原燎既寂世囂伊謐爰崇爰貴以望以實雁  
縣告靜象郡無虞杳鬱遠域清麗瓊都國填岷負朝委事虛實翳  
哲相嶽曜神居功美既損道富去益再紐契訓重匡禹迹方同范  
張濯纓汾射散簪山郊解珮松石頽霞拂朝蒼烟惜夕韻屬玄經

恩流金液靈厭霸德少帝告繫滅慈滅養抵仁抵信枉獄炎燼淫  
刑霜刃剗忠翦義樊稚斲櫬傑傑萬崐日怨日震妖蜺將崩災裂  
吳蒼沉乃鼎國資滌資匡臨朝闡命過昏立綱事繇毗漢義締翼  
商既綏地職亦懋天工權輿典緯俾作司空黼黻珥戈祐宇升庸  
徒賜先袞爰永渥沖實曰驃騎卷跡辭功寢寓睦政畿甸綸風沈  
氏滔天勃逆舊楚氣蹂黃池志懔柏舉裂禮紊度毀經棄序黑騎  
黻山朱旗頽渚短兵相接長繳爲羣顛如海岸矗似蒸雲合乃霧  
激離則霰分荆國既軼郢縣方焚袁劉二戾茲翁煒發聯謀制外  
儲兵襲內戮激瓊殿勢崩金闕志乘芝璽圖矯祕鉞鴻妖逝星高  
視棄月惟時諸侯上脫下競圖服滄溟實綴仁聖輝耀國靈導揚  
主命曾規近晰深鑿遠鏡左輪朱頰表裏斯定七德飾歌九功終  
詠乃陟上鉉寵文方輝誕錫有秩綵吹旌旗贊政瑤光嗣教太微  
實曰太傅爰登相國緝岷以禮綜祇以德景福咸湊芳猷允塞羽

冰式造絃縣是則金湯無險軌書攸同迴迴寵跡窈窈睿功寶珪  
黛壤俾王于東絢冊是敷懋物既崇設業設篋丹懸碧鏤於穆顯  
相黎元時邕冰州炎微來獻其琛雁海龍關亦柔好音梁竈棧罷  
越險浮深遠戎皆覲上靈必臨山吐石青野降密露瑞芝麗草珍  
柯爛樹人崩俗締玄緯幽數睠此妙德跂我王度遙滯炎身既變  
至公萎蕤媯華文祖受終大宋有順高擢萬邦容豫慶雲遊衍南  
風正服寶位圓光玉繩御繡懷古負黼夙興巨凝必靜淵漪咸澄  
勛辰有作黔牖其義矜卑廣慈合賤兼愛綴機剗賊輕章削罰跡  
去繁奢情歸素一軒摩龍刻楹無丹密越賤申椒楚輟靈楫陵寢  
起邑池藻誰縣遙館罕御離房空薦停教路宮淹神正殿斟酌信  
義左右律禮瑩彼皇維熒茲國體胄業既樹璧流方啟漢求金岫  
吳寶銅塹寧若睿德驥馴御劍實才爲貴唯功是念火職咸允雲  
官亦熙既皋乃益匪稷伊夔無舛巡風窈埃辨詩玉燭調文玄英

最節乘山呈瑞航海歸闕不曠景册靡空歲月受緯機衡兼甄書  
史孫韓各辨莊墨異理昭政往諫洗鑠前軌逍遙星斗徒倚涼雲  
春飆方舞秋鴻初分式謠式詠載績載文邈哉我后淪泳賢聖聲  
品作號盡物歸政蒼黎汰驩玄靈刷慶永戩嘉祉方寅景命締詳  
有文賜沛將掩理昧人詖道懸世險夔略遺圖忌華徇儉文閣陳  
几翌明告漸規鵠鬪食日月肫精矧在乘輿宇拆宙傾履纏鸞掖  
悲赴紫扃去璇臺之照襲珠殞之冥嗚呼哀哉唯宮低景輦路巖  
光側柏門之黯黯泣松帳之茫茫上官擗而詔御咽羣后慕而侍  
衛傷攢靈既儼遠日以筮鬱鬯既奠龍醑已撤素月夜橫翠烟曉  
結縱虛金而下欬吟空簫而增絕嗚呼哀哉於是颯天駕而從綺  
輿遊神行而撫文輦傍建春而南蹕徑宣陽而東踐尚葢蓋而未  
散乍眇默而不轉睇千乘之共嘖盼萬騎之相沓嗟魏后之戀譙  
惻漢主之懷沛辭金陵之匪義降雲陽之杳蕩風奇響而駐軒烟

異色而低旒，怨街邑之綵駿。弔原野之續蓋，挽夫愴而征馬凝痛。  
繁盈其如帶，嗚呼哀哉。複林油雲，重山減日。御房清淒，神路冥謐。  
昭徒肅肅，幽祇竦蹕。攀光灑懃，臨泉澍泗。璪座長嚴，雕宮永闕。寂  
帳寂兮寂已遠，夜釭夜兮夜何遂。嗚呼哀哉。本集

宋故尚書左丞孫緬墓銘

光靈維周，肇祀伊衛。炤芬上代，鏡華中世。睿誕降明，秀芳嗣烈。學  
惟物範，行實士節。容與書林，優游史藝。素巾綦冠，朱紱累轍。采訪  
詩逸，人綯禮缺。麗名文質，齊影儒詰。慶履匪舒，沴氣遺結。殯帷兮  
既晦，泉火兮已閉。暖遺波於遙緒，颯流馨於遠歲。本集

宋故安成王右常侍劉喬墓銘

丹陽韞聖，豐鄉降賢。玉葉既積，金徽方傳。乃毓伊人，克廣克宣。騰  
芬中屬，飛藻上年。杳杳虛素，永永沖關。雲意霜拍，瓊立冰堅。家寶  
以瑩，國才未甄。參錯報善，苾昧雲玄。歛魂幽石，委氣空山。膚若流



波身如絕烟芳菲一逝美懋徒鐫本集

宋故銀青光祿大夫孫覿墓銘

川祇效鏡岳祥獻明唐棣獨秀瑤源自清幼炳器譽夙耀才名體兼遷雲學備儒史紫閣咸趨朱軒既履貴交墓塵素遊企軌騰藻上京振彩下國如彼綠蘭秉芬四塞欲人運之不平歎天路之冥賦貴夫君之為美播靈均與正則本集

齊故御史中丞孫洗墓銘

筠以霜蕩蘭以風薰深哉若人實好斯文系緒承胃激騰驚芬才基魏粲學參漢雲覽志上載洽鏡前聞騰名冠俗揚采絕羣方邈明世式贊睿君如何不淑天道難分敢雕窆石永晰幽墳本集

齊故司徒右長史檀超墓銘

惟金有銑惟玉有瑤君實淵哉行為世標高志灑落逸氣寂寥奧學內溢深文外昭嘉采籍譽登國振朝亦既有美筠傷蕙凋人邈

運曠世促道遠永矣仁矣流芳無滂

本集

宋建平王太妃周氏行狀

竊聞侯服之譽非黃冠能敷玉食之門靈阜衣所述諒畏衺虛美於君后被空名於鼎貴然昔有漢臣誅行晉史書德者亦云實而已焉伏見國太妃稟靈惟岳集慶自遠世擅淮汝族冠疇代故以戴曜聲書式炳騰牒矣太妃誕弭離之正和涵雲露之中氣凝采齒歲賁章笄年若迺彤管女圖之學纂組綺縞之工升降虔謙之儀柔靜嘉順之節莫不中道若性不嚴而成故譽滿闈闈聲聞軒殿以元嘉某年歸于故司徒宣簡王既而第高恆倫秩踰外品青軒華轂用光國輝素壁丹墀實隆家貴具惟姻媿靡不式瞻而居尊以簡訓卑以弘躬謹蘭閨身搗椒第若衛娥之炯行樊羸之英操方之蔑如也大明二年宣簡王薨太妃藉悲用禮撫孤用慈柔懿之德愈彰肅敬之間日被雖文伯之母言不踰閭莒相之主行

存乎勤無以過也大明某年拜建平王太妃是時今王春秋方富  
德業未隆藉茲金嚮終能玉播故綺孺出宰弱冠升朝者亦太妃  
劬勞之訓也謂天蓋高降年不永以太豫元年二月三日薨于荆  
州之內寢凡厥遠邇以哀以歎今祖行有期泉窆無遠素旂望路  
綵旌思歸所以垂宣徽容髣髴金石者謹詳牒行狀具以申言

蘇文類  
聚十五

蕭驃騎祭石頭戰亡文

咸告忠貞之魂曰義惟行首雄實士節嗟爾驍驚稟才蹈烈守玉  
不渝懷冰可折氣彰靡旌情激亂轍高墉摧堅巨醜挫銳深痛克  
矜寃靈及雪隆恩殊悼臨爾以秋千秋同盡百齡一世魂而有知  
咸無遠邇嗚呼哀哉

木集

蕭太傅東耕呪文

敬呪先穡曰攝提方春黍稷未華灼爍發雲昭曜開霞地煦景暎

山豔水波，側聞農政，實惟民天。競拒獻歲，務畝上年。有滄踈潤，興  
兩導泉。崇耕巡索，均逸共勞。命彼信人，稅于青皋。羽旗銜韉，雄戟  
耀毫。呈典緇緇，獻禮翠壇。宜民宜稼，克降祈年。願靈之降，解佩停  
鑿神之行。兮氣爲軼，神之坐兮。烟爲蓋，使嘉穀與立。邈永爭光而  
無沫哉。

本集

### 自序傳

淹字文通，濟陽考城人。幼傳家業，六歲能屬詩，十三而孤。邈過庭  
之訓，長遂博覽羣書，不事章句之學，頗留精於文章。所誦詠者，蓋  
二十萬言，而愛奇尚異，深沈有遠識。常慕司馬長卿、梁伯鸞之徒，  
然未能悉行也。所與神遊者，唯陳留袁叔明而已。弱冠以五經授  
宋始安王劉子真，略傳大義，爲南徐州新安王從事。奉朝請，始安  
之薨也，建平王劉景素聞風而悅，待以布衣之禮。然少年嘗侗儻  
不俗，或爲世士所嫉，遂誣淹以受金者，將及抵罪，乃上書見意而

免焉。尋舉南徐州桂陽王秀木對策上策。轉巴陵王左常侍右軍。建平王主簿。賓待累年。雖以文章見遇。而宋末多阻。宗室有憂生之難。王初欲羽檄徵天下兵。以求一旦之幸。淹嘗從容曉諫。言人事之成敗。每曰。殿下不求宗廟之安。如信左右之計。則復見麋鹿。霜棲露宿於姑蘇之臺矣。終不以納而更疑焉。及王移鎮朱方也。又爲鎮軍參軍事。領東海郡丞。於是王與不逞之徒。日夜構議。淹知禍機之將發。又賦詩十五首。略明性命之理。因以爲諷。王遂不悟。乃憑怒而黜之。爲建安吳興令。地在東南。嶠外閩越之舊境也。爰有碧水丹山。珍木靈草。皆淹平生所至愛。不覺行路之遠矣。山中無事。專與道書爲偶。乃悠然獨往。或日夕忘歸。放浪之際。頗著文章。白娛在邑三載。朱方竟敗焉。復還京師。值世道已昏。守志閑居。不交當軸之上。俄皇帝始有大功於四海。聞而訪召之。爲尚書。駕部郎。驃騎竟陵公參軍事。當沈攸之起兵西楚也。人懷危懼。高

帝嘗顧而問之曰天下紛紛若是君謂如何淹對曰昔項強而劉  
弱袁眾而曹寡羽號令諸侯竟受一劍之辱紹跨躡四州終爲奔  
北之虜此所謂在德不在鼎公何疑焉帝曰聞此言者多矣其試  
爲我言之淹曰公雄武有奇略一勝也寬容而仁恕二勝也賢能  
畢力三勝也民望所歸四勝也奉天子而伐逆叛五勝也彼之志  
銳而器小一敗也有威而無恩二敗也士卒解體三敗也搢紳不  
服四敗也懸兵數千里而無同惡相濟五敗也故豺狼十萬而終  
爲我獲焉帝笑曰君談過矣是時軍書表記皆爲草具逮東霸城  
府猶掌筆翰相府始置仍爲記室參軍事及讓齊王九錫備物凡  
諸文表皆淹爲之受禪之後又爲驃騎豫章王記室參軍鎮東武  
令參掌詔冊並典國史既非雅好辭不獲命尋遷正員散騎侍郎  
中書侍郎淹嘗云人生當適性爲樂安能精意苦力求身後之名  
哉故自少及長未嘗著書惟集十卷謂如此足矣重以學不爲人

交不苟合。又深信天竺緣果之文。偏好老氏清淨之術。仕所望不  
過諸卿二千石。有耕織伏臘之資。則隱矣。常願幽居築宇。絕棄人  
事。苑以丹林。池以綠水。左倚郊甸。右帶瀛澤。青春爰謝。則接武平  
泉。素秋澄景。則獨酌虛室。侍姬三四。趙女數人。不則逍遙經紀。彈  
琴詠詩。朝露幾閒。忽忘老之將至云爾。掩之所學。盡此而已矣。木

又略見藏文  
類聚五十五

賜進士出身。品銜廣東等處提刑按察使司按察使兼管驛傳事務黃岡王毓藻校刊

全梁文卷四十

烏程嚴可均校輯

孫謙

謙字長遜東莞菑人宋元嘉中豫州刺史趙伯符引為左軍行  
 參軍歷江夏王義恭大司馬太宰二府參軍出為句容令泰始  
 初建安王休仁以為司徒參軍遷明威將軍巴東建平二郡太  
 守還為撫軍中兵參軍元徽初遷越騎校尉征北司馬府主簿  
 進左軍將軍齊初為寧朔將軍錢塘令永明初為冠軍長史江  
 夏太守免為中散大夫明帝將廢立出為南中郎司馬入梁為  
 輔國將軍零陵太守徵拜光祿大夫天監十五年卒年九十二  
 誠外孫荀匠

主上以孝治天下汝行過古人故發明詔擢汝此職非唯君父之  
 命難拒故亦揚名後世所顯豈獨汝身哉梁書荀匠傳



臨終遺命

吾少無人閒意故自不求聞達而仕歷三代官成兩朝如我資名  
或蒙贈諡自公體耳氣絕卽以幅巾就葬每存儉率比見轎車過  
精非吾志也士安東以蓬蔭王孫保入后地雖是匹夫之節取于  
人情未允今使棺足周身壙足容棺旒書爵里無日不然旒表命  
數差可停息直僦轎牀裝之以廢以常所乘者為魂車他無所用

南史孫謙傳

沈麟士

麟士

一作麟士

字雲禎吳興武康人宋侍中懷文族子元嘉末訪舉

學士縣以應選尋稱疾歸終宋至齊累徵不就梁受禪與何點

同徵又不就天監二年卒年八十五

齊書作年八十六今從南史案祖德頌云天監癸未

蓋碑文作下臨卒之年也

有集六卷

與沈約書辭表薦

名者實之賓本所不庶中央無心空勤南北為惠反凶將在於斯

南史七十六  
沈麟士傳

荅張永使者辭功曹

明府德履冲素畱心山谷民是以被褐負杖忘其疲病必欲飾混  
沌以蛾眉冠越客以蟬冕走雖不敏請附高節有蹈東海而死耳  
未忍受此黥劓引沈麟  
士別傳

沈氏述祖德碑

沈莫盛于吳興始吾祖戎建大勳辭顯秩繇江北避地居吳之餘  
不嚮其卒也於永平元年葬鄉之金鼇山時有金鷲飛集三鳴而  
去童謠曰金鷲鳴沈氏興代代出公卿遂更名其山曰金鷲夫天  
發物祥人應歌詠繇來之數厥非偶然蓋由沈氏積善累行肇基  
既遠而戎祖盛德大業足以纘先緒光祖宗感天祐昌後嗣故吉  
祥之事動而先見耳沈本姬姓自帝嚳之妃姜嫄踐巨人跡而生

后稷樹藝五穀開粒食之源貽萬世之利書曰后稷播種蒸民而粒是也傳黎璽叔望喬不窟生鞠鞠生公劉復修后稷之業百姓懷之子慶節國于豳繼皇僕差弗毀險公非辟方高圉侯牟亞圉雲都組紺諸暨及古公亶父篤于仁義避狄遷岐民皆舍故土而歸之古公傳王季文王聖化普被歸命者四十國孔子曰周之德其可謂至德也已矣迨武王受命其同母弟聃季載乃文王十子也有才德爲司空封于汝南平輿之沈亭爲沈子國沈氏得姓實始諸此明季卒子伯桓立伯桓卒子回立回卒子采立采卒子乙初立乙初卒子蘇立蘇卒無嗣弟杼承統杼之子庚向壬局而庚向入爲周卿勤于王事仍封其子忽于沈忽卒子不離立不離卒子辛生立辛生卒子已濟立已濟卒子遇立遇卒子楫立楫卒子德胤立德胤卒子鱗立鱗卒子逞立年尙幼周敬王元年吳伐之奔楚子嘉立以不赴召陵之會晉怒使蔡人滅其國自聃季至嘉

歷世十八國雖小弱然率忠厚鮮有兵革之警嘉生尹丙尹戊才  
略傑出精於兵機入楚爲合尹戊生諸梁字子高有五虎之威九  
牛之力怒髮強鬚摧鋒敗戰楚封爲葉公生茂春及尹射尹文茂  
春襲葉爵傳葉氏族尹射生尹赤尹未隱華山尹文生隨楚內史  
司戶參軍隨生永中乙奇永中生猶行受業於曾子之門仕齊衛  
大夫猶行生安仁安仁生同俱齊大夫居武城同生郢有才名秦  
始皇併天下詔封丞封辭徙江南郢生平平生祖祖生保漢文帝  
以征蠻功封竹邑侯保生遵太子太傅敷德侯家九江之壽春遵  
生達及達達爲驃騎將軍生乾拜尙書令乾生南陽太守弘弘生  
河南郡守昂及勛昂生御史中丞奮奮生將作大匠子恪恪生尙  
書關內侯諫及謙謙生靖濟陰太守諫生戎字威卿初爲光祿勳  
以九江從事遷濟陽太守時尹良逆命戎不煩兵甲往諭降之光  
武錫茅海昏侯辭不受因居吳興子孫蕃衍毓秀產靈凡金鷲鄉

之沈皆出于祖戎德文並著輝映後先戎子鄴字聖通零陵太守  
有善政芝草生黃龍見次日禮尙書令鄴子侍御史景字孟高安  
平相許字仲高帝以景端鯁清直遷相河間王捕諸奸佞導王以  
禮帝賜衣一襲以嘉之景子荊州刺史彥彥子湘東守文淩淩子  
海陽令夔夔子瀾瀾子充充子勁官揚威將軍死節不屈朝廷嘉  
其忠贈東陽太守勁子大長秋赤黥及吏部尙書嘉赤黥長子膺  
期晉大中大夫中子叔任益州刺史少子說道梓潼太守嘉子發  
散騎常侍次子回車騎將軍膺期生四子長慶之累建大功加始  
興公贈司空次虔之爲樂安令居官清素民皆德之次嶽次峻並  
文名冠世峻爲西臺學士其他支派咸昌名人代有照耀史策統  
而舉之或遠引高蹈或致君澤民或立言垂範或折衝禦侮或孝  
友于家庭或忠節殉國雉沈氏之興莫是過也斯豈非戎祖盛德  
垂統之所致歟宋元嘉三年伯父叔兄輩侍中懷文貞公演之襄

公慶之樂安令度之參軍瑛之新寧男融之吏部尚書曇慶五兵  
尚書懷明光祿大夫孟頊征西長史叔仁等念祖德不忘表請于  
朝請曰東漢故臣沈戎沈國嫡系世有善行才智兼長忠義自矢  
遂敢身入虎穴論以至誠一矢不加逆子格面茅社之錫用以旌  
功乃國難既夷掛冠遠逝捨故宅爲佛寺棄封侯如脫屣進不爲  
身退不爲名忠上潔己邦家之光沈氏積善唯戎述之可追封爲  
述善侯併救其所捨寺曰懷德寺嗚呼戎祖之德久而彌彰矣夫  
人于利害之關富貴之際見不透決不力避難苟祿死無得稱以  
視戎祖爲何如邪是知叶祥于天人而昭顯于嗣裔贈爵于後王  
皆繇德也麟士自愧固陋雅志林泉緝古人之遺書考先世之德  
業竊恐前徽或湮後昆罔繼故述其大凡勒之墓側以志不忘云  
皆大梁天監癸未春三月吉旦

湖錄金  
石考四

終制遺令

氣絕剔被取三幅布以覆屍及斂仍移布於屍下以爲斂服反被左右兩際以周上不復製覆被不須沐浴含珠以米帚衫先著禪凡二服上加單衣幅巾履枕棺中唯此依土安用孝經既殯不復立靈座四節及祥權鋪席於地以設玄酒之奠人家相承漆棺今不復爾亦不須旒成服後卽葬作冢合小後耐便作小冢於濱口合葬非古也冢不須聚土成墳使上與地平王祥終制亦爾不須轎車靈舫魁頭也不得朝夕下食祭奠之法至於葬唯清水一盃

南史七十六  
沈麟士傳

顧憲之

憲之字士思吳郡吳人宋鎮軍將軍覬之孫孝建初舉秀才歷太子舍人尙書比部郎撫軍主簿元徽中爲建康令遷車騎功曹晉熙王友齊高帝執政以爲驃騎錄事參軍太尉西曹掾齊臺中書侍郎及受禪除衡陽內史永明初爲太尉從事中郎歷

隨土東中郎長史行會稽太守巡巴陵王南中郎長史行夔州  
事歷給事黃門侍郎兼尚書吏部郎中出行南兖州事建武中  
遷太子中庶子出為晉陵太守永元初歷豫章太守中興末徵  
為揚州別駕從事木拜梁受禪引疾歸天監二年就家授太中  
大夫八年卒年七十四

南郊明堂異日議

春秋傳以正月上辛郊祀禮記亦云郊之用辛尚書獨云丁巳用  
牲于郊先儒以為先甲三日辛後甲三日丁可以接天神之日後  
漢永平二年正月辛未宗祀光武皇帝於明堂辛既是常郊之日  
郊又在明堂之前無容不郊而堂則理應郊堂南齊書禮志  
牛埭稅格議上永明二年

尋始立牛埭之意非苟逼僦以納稅也當以風濤迅險人力不捷  
屢致膠瀨濟急利物耳既公私是樂所以輸直無怨京師航渡即



其例也而後之監領者不達其本各務已功互生理外或禁過別道或空稅江行或撲船倍價或力周而猶責凡如此類不經隸煩牛者上詳被報格外十條並蒙停寢從來誼訴始得暫弭案吳興頻歲失稔今茲尤僅去之從豐良由饑棘或徵貨成潛臨安志作齋貨買粒還拯親累或提攜老弱陳力餽口隸司責稅依俗弗降舊格新減尙未議登格外加倍將以何術皇慈恤隱振虞蠲調而元懿幸災權利重增困瘼人而不仁古今共疾且比見加格置市者前後相屬非惟新加無贏竝皆舊格猶闕愚恐元懿今啟亦當不殊若事不副言懼貽譴詰便百方侵苦爲公賈怨元懿稟性苛刻已彰往效任以物土譬以狼將羊其所欲舉腹心亦當虎而冠耳書云與其有聚斂之臣寧有盜臣此言盜公爲損蓋微斂民所害乃大也今雍熙在運草木含澤其非事宜仰如聖旨然掌斯任者應簡廉平廉則不竊於公平則無害於民矣愚又以便宜者蓋謂便於公

宜於民也竊見頃之言便宜者非能於民力之外用天分地者也  
率皆卽日不宜於民方來不便於公名與實反有乖政體凡如此  
等誠宜深察山陰一縣課戶二萬其民貲不滿三千者殆將居半  
刻又刻之猶且三分餘一凡有貲者多是士人復除其貧極者悉  
皆露戶役民三五屬官蓋惟分定百端輸調又則常然比眾局檢  
校首尾尋續橫相質累者亦復不少一人被攝十人相追一緒裁  
萌千孽互起蠶事弛而農業廢賤取庸而貴舉責應公瞻私日不  
暇給欲無爲非其可得乎死且不憚矧伊刑罰身且不愛何況妻  
子是以前檢未窮後巧復滋網辟徒峻猶不能悛竊尋民之多僞  
實由宋季軍旅繁興役賦殷重不堪勤劇倚巧祈優積習生常遂  
迷忘反四海之大黎庶之眾心用參差難卒澄一化宜以漸不可  
疾責誠存不擾藏疾納汙實增崇曠務詳寬簡則稍自歸濟又被  
簡符前後年月久遠其事不存符旨旣嚴不敢闇信縣簡送郡郡

簡呈使殊形詭狀干變萬源聞者忽不經懷見者實足傷駭兼親  
屬里伍流離道路時轉寒澗事方未已其士人婦女彌難厝衷不  
簡則疑其有巧欲簡復未知所安愚謂此條宜委縣簡保舉其綱  
領略其毛目囊漏不出贖中庶嬰疾沈痾者重荷生造之恩也又  
永興諸暨離唐寓之寇擾公私殘燼彌復特甚儻值水旱實不易  
思俗諺云會稽打鼓送血吳興步檐令史會稽舊稱沃壤今猶若  
此吳興本是塉土事在可知因循餘弊誠宜改張治元懿今啟敢  
陳管見南齊書陸慧曉傳永明六年懿之為隨王東中郎長史行  
會稽郡太守時西陵城主杜元懿啟牛埭稅格乞為官領  
世祖敕示會稽郡此証是事宜可訪察即啟憲之  
議並從之又見南史三十五歲清臨安志八十九  
終制

夫出生入死理均晝夜生既不知所從來死亦安識所往延陵所  
云精氣上歸於天骨肉下歸於地魂氣則無所不之良有以也雖  
復茫昧難徵要若非妄百年之期迅若馳隙吾今豫為終制瞑目

之後念竝道行勿違吾志也。莊周澹臺達生者也。王孫士安矯俗者也。吾進不及遠，退無所矯。常謂中都之制，允理愜情，衣周於身，示不違禮，棺周於衣，足以蔽臭，入棺之物，一無所須。載以輜車，覆以纛布，爲使人勿惡也。漢明帝天子之尊，猶祭以杆水脯糗。范史雲：烈士之高，亦奠以寒水乾飯。况吾卑庸之人，其可不節衷也。喪易寧戚，自是親親之情。禮奢寧儉，差可得由吾意。不須常施靈筵，可止設香燈，使致哀者有憑耳。朔望祥忌，可權安小牀，暫設几席。唯下素饌，勿用牲牢。蒸嘗之祠，貴賤罔替。備物難辦，多致疏怠。祠先人自有舊典，不可有闕。自吾以下，祠止用蔬食時果，勿同於上世也。示令子孫四時不忘其親耳。孔子云：雖菜羹瓜祭，必齊如也。本貴誠敬，豈求備物哉。梁書顧憲之傳臨終爲樹以教其子

夏侯詳

詳字叔業，譙郡人。仕宋爲郡主簿。太始中，除新汲令，轉治中從

事史遷別駕出爲征虜長史義陽太守齊建武末歷游擊將軍南新蔡太守遷西中郎司馬新興太守梁臺建以爲中領軍加散騎常侍南郡太守遷侍中尚書右僕射梁受禪封監都縣侯授右光祿大夫改封豐城縣公加特進遷車騎將軍湘州刺史徵爲侍中尚書右僕射金紫光祿大夫未至卒年七十四贈右光祿大夫開府儀同三司諡曰景

圍郢城議

郢壁易守攻取勢難頓甲堅城兵家所忌誠宜大弘經略詢納羣言軍主以下至於匹夫皆令獻其所見盡其所懷擇善而從選能而用不以人廢言不以多罔寡又須量我眾力度賊樵糧窺彼人情權其形勢若使賊人眾而食少故宜計日而守之食多而力寡故宜悉眾而攻之若使糧力俱足非攻守所屈便宜散金寶縱反間使彼智者不用愚者懷猜此魏武之所以定大業也若三事未

可宜思變通觀於人情計我糧穀若德之所感萬里同符仁之所  
懷遠邇歸義金帛素積糧運又充乃可以列圍寬守引以歲月此  
王翦之所以剋楚也若圍之不卒降攻之未可下聞道不能行金  
粟無人積天下非一家人情難可豫此則宜更思變計矣變計之  
道實資英斷此之深要難以紙宣輒布言於席衛尉特願垂採

夏族  
詳傳

### 伏曼容

曼容字公儀平昌安丘人晉著作郎滔曾孫宋泰始中爲驃騎  
行參軍遷司徒參軍歷江寧令入拜尚書外兵郎昇明末爲輔  
國長史南海太守齊初爲通直散騎侍郎永明初爲太子步兵  
校尉率更令遷中書侍郎大司馬謫議參軍出爲武昌太守建  
武中拜中散大夫梁臺建召拜司徒司馬出爲臨海太守天監  
元年卒官年八十二有周易注八卷

車旗議

齊德尚青五路五牛及五色幡旗並宜以先青爲次軍容戎事之所乘犧牲繭握之所薦並宜悉依尚色三代服色以姓音爲尚漢不識音故還尚其行運之色今既無善律則大齊所尚亦宜依漢道若有善吹律者便應還取姓尚

南齊書輿服志永明初太子步兵校尉伏曼容議

齊德尚青車旗先青次赤次白次黑軍容戎事宜依漢道行運之色因宋金根車而脩玉輅畫輪金塗兩箱上望板前優游通緣金塗鏤鏤碧紋箱鑿鏤金簿帖兩箱外織成衣兩箱裏金塗鏤回釘玳瑁帖望板箱上帖金博山優游上和鑾立花趺銜鈴銀帶玳瑁簞優游下隱漆裏施金塗鏤回花釘織成文優游橫前施玳瑁帖金塗花釘金塗倒龍後損鑿銀玳瑁龜甲金塗花杳望板金塗受福望龍諸校飾輓及諸末皆螭龍首龍形板在車前銀帶花獸金塗受福緣裏邊鏤鏤玳瑁織成衣裏金塗鏤回花釘外金塗博山

辟邪障鳳凰銜花升蓋金塗鏤鏤二十八爪支子花黃錦升一作外

衣複碧絹漆布緣油頂絳絲織成顏范楮舌孔雀毛複綿緣紋隨

陰懸諸珠蚌佩金塗鈴雲珠結絲綬雜色真孔雀毛一轅漆畫車

銜銀花帶銜上金塗博山四鸞鳥立花跌銜鈴龍首銜輓插翟尾

上下花沓絳線絲的望繩八丈一本作旗有十二旂畫升龍竿首金

塗龍銜大鄒幡真毛棗戟織成衣金塗沓駐織成衣此三字一本作及受福

金塗雁鏤鏤漆安立牀在車中錦複黃紋為安立衣錦複黃紋障

泥八幅長九尺綠紅錦范帶織成花五轆江左丞相駕駟左右駢

為六施絳絲遊銜繩其重轂貳轄飛輪幡赤油金紫真毛左鬣置

左駢馬鞍上金鏤方鈿繁纓金塗紫皮帶真毛橫在馬膺前其鏤

錫皆如古制初加玉輅為重蓋棲寶鳳綴金鏤珠瑞玉蟬珮四

角金龍銜五采毛又麒麟頭加以綵畫馬首戴之通典六十四

伏臘



暉字玄耀曼容子起家齊奉朝請至尚書都官郎入梁歷中書郎永陽內史東陽太守豫章內史徵爲給事黃門郎

答釋法雲書難范縝神滅論

猥垂班示至尊所答臣下審神滅論伏奉淵旨頓祛羣疑天情獨照妙鑒懸覽故非凡愚所可鑽仰然常師管見亦竊懷往求今復稟承教義遠尋經旨重規疊矩信若符契法師宣揚叡理弘讚聖言方使二教同歸真俗一致預得餐沐誨誘陶染至化抃擊下風實兼舞蹈邈比謠韻乃盡襟誠臨白欣佩不知裁述伏暉呈宏明集十

伏挺

挺字士標南史作士操暉子齊末舉秀才對策第一武帝舉義引爲

征東行參軍天監初除中軍參軍遷建康令入爲尚書儀曹郎遷西中郎記室參軍歷晉陵武康令罷歸除南臺治書以罪亡匿變服爲道人遇赦還俗徵入爲京尹有邇說十卷集二十卷

致徐勉書

昔士德懷顧戀與數日輔嗣思友情勞一旬故知深心所係貴賤  
一也況復恩隆世親義重知己道庇生人德弘覆益而朝野懸隔  
山川邈殊雖咳唾時沾而顏色不覩東山之歎豈云旋復西風可  
懷孰能無思加以靜居廓處顧影莫酬秋風四起園林易色涼野  
寂寞寒蟲吟叫懷抱不可直置情慮不能無託時因吟詠動輒盈  
篇楊生沈鬱且猶覆益惠子五車彌多踏駁一日聊呈小文不期  
過賞還逮隆渥累牘兼翰紙縟字磨誦復無已徒恨許與過當有  
傷準的昔子建不欲妄讚陳琳恐見嗤哂後代今之過奢餘論將  
不有累清談挺鼠迹草萊事絕聞見藉以謳謠得之與牧仰承有  
事砭石仍成簡通娛腸悅耳稍從擯落宴處榮觀務在滌除綺羅  
絲竹二列頓遣方丈員案三榻僅存故以道變區中情沖域外操  
彼絃誦賁茲觀損追雷侯之卻粒念韓卿之辭榮瞻想東都屬懷

南岳鑽仰來覲有符下風雖云幸甚然則未喻雖復帝道康寧走  
馬行卻由庚得所寅亮有歸悠悠之人展氏猶且攘袂浩浩白水  
甯叟方欲褰裳是知君子拯物義非徇己思與赤松子遊誰其克  
遂願驅之仁壽綏此多福雖則不言四時行矣然後黔首有庇薦  
紳靡奪白駒不在空谷屠羊豫蒙其賚豈不休哉豈不休哉昔杜  
真自閉深室郎宗絕迹幽野難矣誠非所希井丹高潔相如慢世  
尚復遊涉權門雍容鄉邑常謂此道爲泰每竊慕之方念擁筴延  
思以陳侍者請至農隙無待邀求挺誠好屬文不會今世不能促  
節局步以應流俗事等昌菹謬彼偏嗜是用不羞固陋無憚龍門  
昔敬通之賞景卿孟公之知仲蔚止乎通人猶稱盛美況在時宗  
彌爲未易近以蒲葉勿用箋素多闕聊效東方獻書丞相須得善  
寫更請潤訶儻逢子侯比復削牘

梁書伏  
挺傳

樂藹

藹字蔚遠南陽滎陽人晉尚書令廣六世孫宋泰始中建平王  
景素辟爲荊州主簿隨府轉征北刑獄參軍遷龍陽相齊初爲  
豫章王巖驃騎行參軍領荊州主簿參知州事永明初隨府入  
爲太尉刑獄參軍遷枝江令又隨府爲大司馬中兵參軍出爲  
荊州治中累遷車騎平西錄事參軍步兵校尉南康王西中郎  
諮議參軍梁臺建遷鎮軍司馬中書侍郎尚書左丞給事黃門  
侍郎衛尉卿天監初遷驍騎將軍領少府卿進御史中丞領本  
州大中正出爲持節冠軍將軍平越中郎將廣州刺史進號征  
虜將軍

### 奏定朝直

敕旨以軍旅務殷且停朝直竊謂匪懈于位義昭夙興國容舊典  
不可頓闕與兼右丞江詮等參議八座丞郎以下宜五日一朝有  
事卽坐侍下鼓無事許從實還外

南齊書蕭穎胄傳和帝  
西臺卽位左丞樂藹奏

與竟陵王子良牋

道德以可久傳聲風流以浸遠隳稱雖復青簡締芳未若玉石之  
不朽飛翰圖藻豈伊雕篆之無沫丞相沖粹表於天真淵照殆乎  
機象經邦緯民之範體國成務之規故以業茂惟賢功高則哲神  
輝眇邈淑筭不迫感纏奉車恨百畱滯下官夙稟名節思義軫慕  
望堪結哀輒欲率荆江湘三州僚吏建碑董首庶微猷有述茂則  
方存昔子香澗德畱銘江介鉅平遺烈墮淚漢南況道尊前往惠  
積聯綿者哉下官今便反假無由躬事刊斲須至西州鳩集所資  
託中書侍郎劉繪營辦

南齊書豫章王嶷傳

與右率沈約書請撰豫章文獻王碑文

夫道宣餘烈竹帛有時先朽德孚遺事金石更非後亡丞相獨秀  
生民俯照日月標勝巨圖素履穆於忠義譽應華袞功迹著於彌  
諧無得而稱理絕照載若夫日用闕寂雖無取於錙銖歲功宏達

諒有寄於衡石竊承貴州士民或建碑表俾我荆南閱感無地且  
作紀江漢道基分陝衣冠禮樂咸被後昆若其望碑盡禮我州之  
舊俗傾塵罷肆鄙士之遺風庶幾前烈或不泯墜荆江湘三州策  
名不少竝欲各率毫釐少申景慕斯文之託歷選惟疑必待文蔚  
辭宗德僉茂履非高明而誰豈能聘無愧之辭謝式瞻之望吾西  
州窮士一介寂寥恩周榮譽澤遍衣食永惟道廢日月就遠緬尋  
遺烈觸目崩心常謂福齊南山慶鍾仁壽吾儕小人貽塵帷蓋豈  
圖一旦遂投此詩

南齊書豫章王嶷傳

何點

點字子皙廬江潯人宋司空尚之孫泰始末徵太子洗馬齊初  
累徵中書郎太子中庶子梁受禪徵侍中竝不就天監三年卒  
年六十八

齊書褚淵王儉贊

淵既世族儉亦國華不賴舅氏違恤國家

梁書何點傳

何肩

肩字子季更字肩叔點弟仕齊爲祕書郎遷太子舍人出爲建安太守遷司徒主簿中書郎員外散騎常侍太尉從事中郎司徒右長史給事黃門侍郎太子中庶子領國子博士丹陽邑中正永明末遷侍中領步兵校尉轉國子祭酒鬱林卽位遷民部尙書領驍騎中書令領臨海巴陵王師致仕永元中徵太常太子詹事竝不就梁臺建引爲軍謀祭酒不至及受禪授特進右光祿大夫給白衣尙書祿又月給庫錢五萬竝不受中大通三年卒年八十六有周易注十卷毛詩總集六卷毛詩隱義十卷禮記隱義二十卷禮答問五十五卷注百法論十二門論各一卷

答皇太子啟

肩性愛山泉情篤魚鳥而從鷗未狎入獸相驚兼年齒衰暮荒徑  
榛梗既無語稼之客盛有論書之賓緘默賦畝栖息巨壑秀水清  
潭於茲永已伏惟明察之德誕縱自天忠孝之規不待因習猶復  
留神六經降意百代同仁博古等物簞問闢承華而延儒雅掃黃  
闕而列文學嘉美聿宣無思不勸肩無解歸之談屢蒙獎飾之重  
匪南皮之舊每荷存問之恩銜茲污朽罔知攸置

蘇文類聚  
三十七

何炯

炯字士光點季弟解褐揚州主簿舉秀才累遷尚書兵庫部二  
曹郎出爲永康令遷治書侍御史

答釋法雲書難范縝神滅論

炯和南辱所賜書并垂示答臣下審神滅論竊聞神其如在求前  
王而未測住其不移徙伏腐而口曉鑽仰淵祕渙爾冰開故知紛  
綸聖跡不由一道參差動應本自因時今澆流已息無明將啟物



有其機教惟斯發篤孝治之義明覺者之旨預有靈識誰不知慶  
豈炎昊所謂爭衡非軒唐所能競爽巍巍至德莫或可名昭然大  
道於斯爲極何炯和南

宏明集十庫部  
郎中何炯答

何敬容

敬容字國禮肩從弟齊吏部尙書昌胤子尙齊武帝女長城公  
主拜駙馬都尉天監初爲祕書郎歷太子舍人尙書殿中郎太  
子洗馬中書舍人祕書丞遷揚州治中出爲建安內史還除黃  
門郎累遷太子中庶子散騎常侍侍中司徒左長史普通中復  
爲侍中領羽林監又領本州大中正守吏部尙書出爲招遠將  
軍吳郡太守大通中復爲吏部領右軍將軍加侍中中大通初  
改太子中庶子尋遷尙書右僕射轉左僕射加宣惠將軍大同  
中遷中權將軍丹陽尹入爲尙書令坐事免中大同初起爲金  
紫光祿大夫未拜加侍中太清初遷太子詹事三年卒于園中

贈仁威將軍

入學無齒胄議

參點並事宜尼回路同諮泗水鄒魯稱盛洙汶無譏師道既光得

一資敬無虧亞貳況於兩公而云不可隋書禮儀志西大同七年

公人學時議者以與太子有齒胄之義疑之

曹景宗

景宗字子震新野人宋元徽中為奉朝請員外遷尚書左民郎

齊時積功至冠軍將軍竟陵太守入梁進右衛將軍遷左將軍

郢州刺史以破楊大眼功拜侍中領軍將軍天監七年遷江州

刺史道卒年五十二贈征北將軍諡曰壯

答弟義宗書

買猶未得云何已賣南史口口口第九弟義宗年少未有位宦居

宗以妹適之義宗遣人送書竟陵語景宗

答釋法雲書難范縝神滅論

枉告所宣答神滅救理周萬古旨包三世六趣長迷於此永悟五  
道恆疑曉若發蒙自非鑒窮八解照侔十號排罔逸俗安得如此  
奉佩書紳敢違寢食法師識踰有境學詣無生揄揚之善煥如東  
里披翫周環用忘所疾曹景宗白答宏明集十

劉思效

思效宋末爲員外散騎侍郎齊受禪稍遷入梁爲太僕卿

上齊高帝表陳讜言

宋自大明以來漸見凋敝徵賦有增於往天府尤貧於昔兼軍警  
屢興傷夷不復戍役殘丁儲無半菽小民嗷嗷無樂生之色貴勢  
之流貨室之族車服伎樂爭相奢麗亭池第宅競趨高華至于山  
澤之人不敢採飲其水草貧富相輝捐源尙末陛下宜發明詔吐  
德音布惠澤禁邪僞薄賦斂省徭役絕奇麗之賂塞鄭衛之倡變

麻運之化應質文之用不亦大哉又彭汴有鴟梟之巢青丘爲狐兔之窟虐害踰紀殘暴日滋鬼泣舊泉人悲故壤童孺視編髮而慙生耆老看左衽而恥沒陛下宜仰答天人引領之望下吊眇黎傾首之勤授鉞衛霍之將遺策蕭張之師萬道俱前窮山蕩谷此卽恆山不足指而傾渤海不足飲而竭豈徒殘寇塵滅而已哉齊南

書願  
敬傳

范述曾

述曾字子玄吳郡錢唐人仕宋爲晉熙王國侍郎入齊至南郡王國郎中令遷尚書主客郎太子步兵校尉帶開陽令拜中散大夫明帝卽位除游擊將軍出爲永嘉太守東昏時以中散大夫致仕梁受禪授太中大夫天監八年卒年七十九

牒郡門

諸縣有疑滯者可就永寧令決

梁書蕭景傳齊建武中遷永寧令  
政爲百城爾永嘉太守范述曾雅

服景爲政  
乃賜郡門

賜進士出身三品銜廣東等處提刑按察使司按察使兼管驛傳事務舊岡王毓藻校刊

全梁文卷四十終

全梁文卷四十一

烏程嚴可均校輯

任昉

昉字彥昇，小名阿堆，樂安博昌人。齊光祿大夫暹之兄子。宋元徽末，辟丹陽尹主簿，入齊爲奉朝請，舉兗州秀才，拜太常博士。遷征北行參軍。永明初，復爲丹陽主簿，遷司徒刑獄參軍，入爲尙書殿中郎，轉司徒記室參軍，歷太子步兵校尉。永泰末，遷中書侍郎。永元末，爲司徒右長史。中興初，爲驃騎記室參軍。梁受禪，拜黃門侍郎，遷吏部郎中，掌著作，出爲義興太守，重除吏部郎中，轉御史中丞、祕書監，領前軍將軍，出爲寧朔將軍。新安太守。天監七年卒，贈太常卿。諡曰敬子。有雜傳二百四十七卷。地記二百五十二卷。集三十四卷。

答陸倕感知已賦

原知己之時義故相知之信然乃貪廉之異貫奈勇怯之相懸貪

在物而成累怯在我而可甄既自得於為御又甘心於執鞭矧相

知其如此獨攬涕而潺湲雖有望於已知更非謂其知己已上十

善無裁文類聚有信偉人之世篤本俟服於陸鄉緬風流與道素襲袞衣

與繡裳逮伊人而世載並三駿而龍光過龍津而一息望鳳條而

載翔彼白玉之雖潔此幽蘭之信芳思在物之取譬非斗斛而能

量梁書作四方梁書作峙於東嶽比凝厲於秋霜不一飯以忘過梁書作每

三錢以投渭匪蒙袂之敢嗟豈溝壑之能衣既蘊藉其有餘又澹

然而無味得意同乎卷懷違方似乎仗氣類平叔而靡雕似子臺

而不朴冠眾善而胎操綜群言而名學折高戴於后臺異鄒顏乎

董幄探三詩於河閒訪九師於淮曲術兼口傳之書藝廣鏗鏘之

樂時坐睡而梁懸裁據梧而錐握既文過而意深又理勝而辭綺

咨余生之荏苒追歲暮而傷情測徂陰於堂下聽鳴鐘於洛城已

六句或文類聚無案書有唯忘年之陸子定一遇於班則余獲田蘇之價爾得

海上之名信落魄而無產終長勒於短生飢虛表於徐步逃責顯

於疾行子比我於叔則又方余於耀卿心照情交流言靡惑萬類

閻求千里懸得言象可廢筌蹄自默居非連棟行待同車冬夜不

足夏日靡餘肴核非饌絲竹豈娛我未捨駕子已迴輿中飲相顧

悵然動色邦壤雖殊離會難測存異山陽之居沒非要離之側以

膠投漆中離叟豈能識梁書陸倕傳賦文類聚三十一

賦體

傲征侶兮艤行舟奉君命兮不俟駕厲軒軌之易循值堯民之可

化慙孺雉之聲朝惡細魚之在夜奉玉檢之陸離待金罍之云舍

茲文類聚五十六

靜思堂秋竹應詔

靜思堂連洞房臨曲沼夾脩篁竹宮豐麗於甘泉之右竹殿弘敞



於神嘉之，傍綠條發丹楹，翠葉映雕梁，入戶掃文石，傍簷拂象牀。  
常生偶蘭桂，結實值鴛皇，逢性與之至道，偶斯文之在茲，歡柏梁  
之有賦，恨相如之異時。蘇文類聚

八十九

封梁公詔

夫日月麗天，高明所以表德，山岳題地，柔博所以成功，故能庶物  
出而資始，河海振而不洩，二象貞觀，代之者人，是以七輔四叔，致  
無爲於軒昊，韋彭齊晉，靖衰亂於殷周，大司馬攸縱自天，體茲齊  
聖，文洽九功，武苞七德，欽惟厥始，微猷早樹，誠著艱難，功參帷幙，  
錫賦開壤，式表厥庸，建武升麻，邊隙屢啟，公釋書輟講，經營四方，  
司豫懸切，樊漢危殆，覆瓿寇於沔濱，僵胡馬於鄧泌，永元肇號，難  
結羣醜，專威擅虐，毒被含靈，溥天惴惴，命懸晷刻，否終有期，神謀  
載挺，首建大策，惟新鼎祚，投袂勤王，沿流電舉，魯城雲撤，夏洩露  
披，加湖羣盜，一鼓殄拔，姑熟連旂，倏焉冰泮，取新壘其如拾芥，撲

朱爵其猶掃塵。遠電外駭。首圍內傾。餘醜繼蠹。蝼蟻必盡。援彼已  
溺。解此倒懸。塗權里抃。白近及遠。畿甸夷穆。方外肅寧。解茲虐網。  
被以寬政。積弊窮昏。一朝截庖。聲教遐漸。無思不被。雖伊尹之執  
茲。壹德姬旦之光於四海。方斯蔑如也。昔呂望翼佐聖君。膺享四  
履之命。文侯立功平后。尚荷二弓之錫。況於盛德元勳。超邁自古。  
黔首懔懔。待以為命。救其已然。拯其方斲。式闡表墓。未或能比。而  
大輅渠門。輟而莫授。眷言前訓。無忘終食。便宜敬升大典。式允羣  
望。其進位相國。總百揆。揚州刺史。封十郡。為梁公。備九錫之禮。加  
璽紱。遠遊冠。位在諸王上。加相國綠綬。綬綬。其驃騎大將軍如故。依  
舊置梁百司。梁書武帝紀上。○案任昉傳。梁臺先禪讓文。語多昉  
所具。丘遲傳。時勸進梁王。及殊禮。皆遲文也。沈約傳  
高祖命。草其事。約乃出懷中詔書。并諸選置。高  
祖初無所改。今據之以。碑。虞文。結編。入昉集中。

進梁公爵為王詔

嵩高惟岳。配天所以流稱。大啟南陽。霸德所以光闡。忠誠簡帝。番

君鷹上爵之尊，勤勞王室，姬公增附庸之地，前王令典，布諸方策。長祚字毗，罔不由此。相國梁公體茲上哲，齊聖廣淵，文教內洽，武功外暢，推轂作藩，則威懷被於殊俗，治兵教戰，則霆雷赫於萬里。道喪時昏，讒邪孔熾，豈徒宗社如綴，神器莫主而已哉！至於兆庶殲亡，衣冠殄滅，餘類殘喘，指命崇朝，含生業業，投足無所，遂乃山川反覆，草木塗地，與夫仁被行葦之時，信及豚魚之日，何其遼遠，相去之遠歟！公命師鞠旅，指景長驚，而本朝危切，樊鄧遐遠，凶徒盤據，水陸相望，爰自姑熟，屆於夏首，嚴城勁卒，憑川爲固，公沿漢浮江，電激風掃，舟徒水覆，地險雲傾，藉茲義勇，前無疆陣，拯危京邑，清我帝畿，撲旣燎於原火，免將誅於比屋，悠悠兆庶，命不在天。茫茫六合，咸受其賜，匡俗正本人，不失職，仁信並行，禮樂同暢，伊周未足方軌，桓文遠有慙德，而爵後藩牧，地終秦楚，非所以式酬光烈，允答元勳，實由公履謙爲本，形於造次，嘉數未申，晦朔增仁。

便宜崇斯禮秩允副遐邇之望可進梁公爵爲王以豫州之南譙  
廬江江州之尋陽郢州之武昌西陽南徐州之南琅邪南東海晉  
陵揚州之臨海永嘉十郡益梁國并前爲二十郡其相國揚州牧  
驍騎大將軍如故

梁書武  
帝紀上

### 禪位詔

夫五德更始三王迭興馭物資賢登庸啟聖故帝跡所以代昌王  
度所以改耀革晦以明由來尙矣齊德淪微危亡薦襲隆昌凶虐  
實違天地永元昏暴取紊人神三光再沈七廟如綴鼎業幾移含  
識知泯我高明之祚眇焉將墜永惟屯難冰谷載懷相國梁王天  
誕睿哲神縱靈武德格玄祇功均造物止宗社之橫流反生人之  
塗炭扶傾頽構之下拯溺逝川之中九區重緝四維更紐絕禮還  
紀崩樂復張文館盈紳戎亭息警浹海寓以馳風罄輪裳而稟朔  
八表呈祥五靈效祉豈止鱗羽禎奇雲星瑞色而已哉勳茂於百

王道昭乎萬代固以明配上天光華日月者也河嶽表革命之符  
圖讖紀代終之運樂推之心幽顯共積訶頌之誠華裔同蕃昔水  
政既微木德升緒天之厯數實有所歸握鏡璇樞允集明哲朕雖  
庸蔽聞於大道永鑒崇替爲日已久敢忘列代之高義人祇之至  
願乎今便敬禪於梁卽安姑熟依唐虞晉宋故事

梁書武帝紀上

梁武帝初封諸功臣詔  
草昧權輿事深締構康俗成務義在庇民自非羣才竝軌文武宣  
翼將何以啟茲景祚弘此帝圖或運籌帷帳經啟王業或攻城略  
野殉義忘生或腹心爪牙折衝禦侮忠勤茂德夷險一致竝宜建  
國開宇藩屏王室山河之誓永永無窮

仙文類聚五十一

武帝追封永陽王詔

亡兄德履冲粹識業深通徽聲善與風流緒甚道長世短清塵緬  
邀感惟旣往永慕慟心可追封永陽郡王

仙文類聚五十一

追封丞相長沙王詔

夫褒崇名器率由舊章光昭德祀永世作則亡兄道被如仁功深  
微管懸諸日月久而彌新故能拯龜玉於已毀道涸源於將塞今  
理運惟新賢感竝建感惟永遠觸目崩心可追封長沙郡王

蘇文  
類聚

追封衡陽王桂陽王詔

亡弟暢風標秀物器體淹弘朱方之役盡勤王事策出無左物惟  
不賞亡弟融業行清簡風度閑綽蚤優名輩夙廣令聞朕應天紹  
命君臨萬寓祚啟郇滕感興魯衛事往運來永懷傷切暢可追封  
衡陽郡王融可追封南陽郡王

蘇文類聚  
五十一

封臨川安興建安等五王詔

神州帝城冠冕列岳渚宮樊鄧形勝是歸居中作衛翼宣戎重隆  
茲寵號寔允舊章竝非親勿居惟賢斯授宏朕之介弟早富德譽

董一蕃政緝是嘉庸國禮家情瞻奇隆重秀風穎雋邁誠業標簡  
任居蕃翰政以化成偉體韻淹穆神寓凝正經綸夷險參贊王業

頌文類聚五十一。○案文苑英華四百四十四有全文以為沈約作

求薦士詔

夫進賢茂賞蔽善明罰前王盛則咸必由之朕纂統洪業黃畏大  
寶思求俊異協贊雍熙歷聽九工物色與阜而白駒盈谷萑楚未  
刈所以臨朝永歎日昃伊仁便可博詢卿士各舉所知將量才授  
能擢以不次庶同則哲之明稱朕急賢之旨藝文類聚五十三初學記二十  
策梁公九錫文

二儀寂寞由寒暑而代行三才竝用資立人以爲質故能流形品  
物仰代天工允茲元輔應期挺秀裁成天地之功幽協神明之德  
撥亂反正濟俗寧人盛烈光於有道大勳振於無外雖伊陟之保  
又王家姬公之有此不訓方之蔑如也今將授公典策其敬聽朕

命上天不造難鍾皇室元帝

南史作世祖案即武帝此云元帝當考

以休明早崩簡

文

南史作世宗案即文惠太子

以仁弱不嗣高宗襲統宸居弗永雖夙夜劬勞

而隆平不洽嗣君昏暴書契弗覩朝權國柄委之羣孽勦戮忠賢

誅殘台輔含冤抱痛唯類靡餘實繁非一竝專國命頓笑致災唯

耻及禍嚴科毒賦載離比屋溥天熒熒置身無所免頸引決道樹

相望無近無遠號天靡告公藉昏明之期因兆人之願援帥

南史作爰

聖后翊成中興宗社之危已固天人之望允塞此實公細我絕

綱大造皇家者也永明季年邊隙大啟荆河連率招引戎荒江淮

擾逼勢同履虎公受言本朝輕兵赴襲糜以長算制之環中排危

冒險彊柔遞用坦然一方還成藩服此又公之功也在昔隆昌洪

基已謝高宗慮深社稷將行權道公定策帷帳激揚大節廢帝立

王謀猷深著此又公之功也建武闡業厥猷雖遠戎狄內侵憑陵

關塞司部危逼淪陷指期公治兵外討卷甲長驚接距交綏電激



風掃摧堅覆銳咽水塗原執俘象魏獻馘海濬焚廬毀帳號哭言  
歸此又公之功也樊漢阡切羽書續至公星言鞠旅稟命徂征而  
軍機戎統事非己出善策嘉謀抑而莫允鄧城之役胡馬卒至元  
帥潛及不相告報棄甲捐師餌之虎口公南收散卒北禦雕騎全  
眾方軌案路徐歸拯我邊危重獲安堵此又公之功也漢南迴弱  
咫尺勅寇兵糧盡闕器甲靡遺公作藩爰始因資靡託整兵訓卒  
鬼狩有序俾我危城翻爲疆鎮此又公之功也永元紀號瞻烏已  
及雖廢昏有典而伊霍稱難公首建大策爰立明聖義踰邑綸勳  
高代入易亂以化俾昏作明此又公之功也文王之風雖被江漢  
京邑蠢動湮爲洪流句吳於越巢幕匪喻公投袂萬里事惟拯溺  
義聲所覃無思不躋此又公之功也魯城夏桀梗據中流乘山置  
壘滎川自固公御此烏集陵茲地險頓兵坐甲寒往暑移我行永  
久士忘歸願經以遠圖御以長策費無遺矢戰未窮兵踐華之固

相望俱拔此又公之功也惟此羣凶同惡相濟緣江負險蟻聚加

湖南史作水陸盤據規援夏首桴燿一臨應時號潰此又公之功

也姦孽震皇復懷舉斧蓄兵九派用擬勤王公稜威直指勢踰風

電旌旆未臨全州稽服此又公之功也姑熟衝要密邇京畿凶徒

穢聚斷塞津路公偏師啟塗排方繼及兵威所震望旗自駭焚舟

委壁卷甲宵遁此又公之功也羣豎猖狂志在借一豕突淮淝武

騎如雲公爰命英勇因機騁銳氣冠版泉勢踰涇水追奔逐北奄

有通津熊耳比峻未足云擬睢水不流曷其能及此又公之功也

環鄂石首襟帶阻固新壘東壩金湯是埒憑險作守兵食兼資風

激電駭莫不震疊城復於隍於是乎在此又公之功也獨夫昏狠

憑城靡懼鼓鐘鞀鞀傲若有餘狎是邪孽忌斯冠冕凶狡因之將

逞孛戮公奇謨密運盛略潛通南史作威忠勇之徒得申厥效白

旗宣室未之或比此又公之功也公有拯億兆之勲重之以明德

爰初厲志服道儒門濯纓來仕清猷映代時運艱難宗社危殆岷  
岡已燎玉石同焚驅率貔貅抑揚霆電義等南巢功齊牧野若夫  
禹功寂寞微管誰嗣拯其將魚驅其被髮解茲亂網理此勢絲復  
禮衽席反樂河海永平故事聞之者歎息司隸舊章見之者隕涕  
請我民命還之斗極憫憫播紳重荷戴天之慶哀哀黔首復蒙履  
地之恩德踰嵩岱功隣造物超哉邈矣越無得而言焉朕又聞之  
疇庸命德建侯作屏咸用剋固四維永隆萬葉是以二南流化九  
伯斯征王道溘洽刑措罔用覆政弗興歷茲永久如燬既及晉鄭  
靡依惟公經綸天地靈濟區夏道冠乎伊稷賞薄於桓文豈所以  
憲章齊魯長轡宇宙敬惟前列朕甚懼焉今進授相國改揚州刺  
史爲牧以豫州之梁郡歷陽南徐州之義興揚州之淮南宣城吳  
興會稽新安東陽十郡封公爲梁公錫茲白土苴以白芨爰定爾  
邦用建冢社在昔旦奭入居保伯建於畢毛亦作卿士任兼內外

禮實宜之。今命使持節兼太尉王亮授相國揚州牧印綬。梁公璽  
紱使持節兼司空王志授梁公茅土金虎符第一至第五。左竹使  
符第一至第十。左相國位冠羣后。任總百司。極典彝數。宜與事革。  
其以相國總百揆。去錄尚書之號。上所假節侍中。貂蟬中書監印。  
中外都督大司馬印綬。建安公印策。驃騎大將軍如故。又加公九  
錫。其敬聽後命。以公禮律兼脩。刑德備舉。哀矜折獄。罔不用情。是  
用錫公大輅戎輅各一。玄牡二駟。公勞心稼穡。念在人天。丕崇本  
務。惟穀是寶。是用錫公衮冕之服。赤舄副焉。公鑄鈞所被。變風以  
雅。易俗陶民。載和邦國。是用錫公軒懸之樂。六佾之舞。公文德廣  
覃。義聲遠洽。椎髻墜首。夷歌請吏。是用錫公朱戶。以居。公揚清抑  
濁。官方有序。多士聿興。械櫜流詠。是用錫公納陛。以登。公正色御  
下。以身軌物。武過不虞。折衝惟遠。是用錫公虎賁之士三百人。公  
威同夏日。志清姦宄。放命圮族。刑茲罔赦。是用錫公鈇鉞各一。公

跨躡嵩溟陵厲區宇譬諸日月容光必至是用錫公彤弓一彤矢  
百盧弓十盧矢千公永言惟孝至感通神恭嚴祀典祭有餘敬是  
用錫公秬鬯一卣圭瓚副焉梁國置丞相以下一遵舊式欽哉其  
敬循往策祇服大禮對揚天眷用膺多福以弘我太祖之休命

武帝紀上又  
見南史六

### 禪位梁王策

咨爾梁王惟昔遠古之載肇有生人皇雄大庭之辟赫胥尊盧之  
后斯竝龍圖鳥跡以前况忽杳冥之世固無得而詳焉洎乎農軒  
炎皞之代放勳重華之主莫不以大道君萬姓公器御八紘居之  
如執朽索去之若捐重負一駕紛陽便有窅然之志暨適箕嶽卽  
動讓王之心故知戴黃屋服玉璽非所以示貴稱尊乘大輅建旂  
旌蓋欲令歸趣有地是故忘己而字兆人殉物而君四海及於精  
華內竭舂楛外勞則撫茲歸運惟能是與况兼乎笙管革文威圖

啟瑞攝提夜朗熒光晝發者哉四百告終有漢所以高揖黃德既  
謝魏氏所以樂推爰及晉宋亦弘斯典我太祖握河受祿應符啟  
運二葉重光三聖係軌嗣君喪德昏棄紀度毀紊天綱凋絕地紐  
茫茫九域翦爲仇讐溥天相顧命懸晷刻斷涉刳孕於事已輕求  
雞徵杖曾何足譬是以谷滿川枯山飛鬼哭七廟已危人神無主  
惟王體茲上哲明聖在躬稟靈五緯明竝日月彝倫攸序則端冕  
而協鬯熙時難孔棘則推鋒而拯塗炭功踰造物德濟蒼生澤無  
不漸仁無不被上達蒼昊下及川泉文教與鳴翼齊舉武功與日  
車竝運固以幽顯宅心謳訟斯厲豈徒桴鼓播地卿雲叢天而已  
哉至如晝觀爭明夜飛枉矢土淪慧刺日旣星亡除舊之徵必顯  
更姓之符允集是以義師初踐芳露凝甘仁風旣被素文自擾北  
闕藁街之使風車火徼之民膜拜稽首願爲臣妾鍾石異變事表  
於遷虞蛟魚竝出義彰於事夏若夫長人御眾爲之司牧本同己

於萬物乃因心於百姓寶命無常主帝王非一族今仰祇乾象俯藉人願敬禪神器授帝位於爾躬大祚告窮天祿永終於戲王允執其中式遵前典以副昊天之望禋上祀而臨億兆格文祖而膺大業以傳無疆之祚豈不盛歟

梁書武帝紀上南史六

禪位梁王璽書

夫生者天地之大德人者含生之通稱竝首同本未知所以異也而稟靈造化愚賢之情不一託性五常彊柔之分或舛羣后靡一爭犯交興是故建君立長用相司牧非謂尊驕在上以天下為私者也兼以三正迭改五運相遷綠文赤字徵河表洛在昔勳華深達茲義眷求明哲授以蒸人遷虞事夏本因心於百姓殷化為周實受命於蒼昊爰自漢魏罔不率由降及晉宋亦遵斯典我高皇所以格文祖而撫歸運畏上天而恭寶厯者也至於季世禍亂薦臻王度紛糾姦回熾積億兆夷人刀俎為命已然之逼若綫之危

跼天踏地逃形無所羣凶挾馘志逞殘戮將欲先殄衣冠次侈龜  
鼎衡保周召竝列宵人巢幕累卵方此非切自非英聖遠圖仁爲  
己任則鴟梟厲吹翦焉已及惟王崇高則天博厚儀地踳躅六合  
陶甄萬有鋒駟交馳振靈武以遐略雲雷方扇鞠義旅以勤王揚  
旆旆於遠路戮茲充於魏闕德冠往初功無與二弘濟艱難緝熙  
王道懷柔萬姓經營四方舉直措枉較如畫一待旦同乎股后日  
昃過於周文風化肅穆禮樂交暢加以赦過宥罪神武不殺盛德  
昭於景緯至義感於鬼神若夫納彼大麓膺此歸運烈風不迷樂  
推攸在治五躔於已亂重九鼎於既輕自聲教所及車書所至革  
面回首謳吟德澤九山滅稜四瀆安流祥風扇起淫雨靜息玄甲  
遊於芳荃素文馴於郊苑躍九川於清漢鳴六象於高岡靈瑞維  
爲玄符昭著至於星孛紫宮水效孟月飛鴻滿野長彗橫天取新  
之應既昭革故之徵必顯加以天表秀特軒狀堯姿君臨之符諒



非一揆書云天鑒厥德用集大命詩云文王在上於昭于天所以  
二儀乃眷幽明允叶豈惟宅是萬邦緝茲謳訟而已哉朕是用擁  
璇沈首屬懷聖哲昔水行告厥我太祖既受命代終在日天祿云  
謝亦以木德而傳於梁遠尋前典降惟近代百辟遐邇莫違朕心  
今遣使持節兼太保侍中中書監兼尚書令汝南縣開國侯亮兼  
太尉散騎常侍中書令新吳縣開國侯志奉皇帝靈紘受終之禮  
一依唐虞故事王其陟茲元后君臨萬方式傳洪烈以答上天之  
休命

梁書武  
帝紀上

賜進士出身三品銜廣東等處提刑按察使司按察使兼管驛傳事務黃岡王毓藻校刊